

LES HARANGVES

faictes au ROY, 513.
A LA ROYNE, ET
A MONSIEVR
FRERE DV ROY

*Par Monsieur le RECTEUR de
l'Uniuersité de Paris, au nom
de ladicte Vniuersité.*



A PARIS;
Chez ISAAC MESNIER, rue S.
Iaques au Chesne vert.

1618.

Auec Permission

REV. J. H. B. B. B.

TO THE HON. J. H. B. B. B.

BY J. H. B. B. B.


IN THE YEAR 1850

AND IN THE CITY OF NEW YORK

PRINTED BY J. H. B. B. B.

AND S. H. B. B. B.

AT THE OFFICE OF THE



THE UNIVERSITY OF THE CITY OF NEW YORK

LIBRARY

NEW YORK

1850



*Harangue de M^r JEAN DOSSIER
RECTEUR de l'Vniuersité
de Paris.*

A V R O Y.

SIRE,
Ce Cierge que nous
venons offrir à V. M.
n'est pas pour vous
porter de la lumiere, mais pour
la receuoir de vous, qui l'vnique
& tres-agreable Soleil de la Fran-
ce, esclairez de vos rayons les par-
ties les plus esloignées de l'Vni-
uers. Pour ceste raison, nous nous
promettons que comme le Ciel
vous a faict naistre pour des vo-

A ij

stre berceau estouffer ainsi qu'un
 Hercule les Dragons & les Ser-
 pens ; pour dès vostre enfance,
 chasser ainsi qu'un Thesée les Mō-
 stres de vostre Royaume ; & pour,
 en la fleur de vostre aage estendre
 bien loing , ainsi qu'un Alexan-
 dre , les bornes de vostre Empire :
 De mesme il vous a reserué pour,
 par la splendeur de vostre sagesse
 dissiper l'ignorance ; par la douce
 chaleur de vostre bien-veillance
 eschauffer & fomentier les beaux
 esprits ; & par la viue influence
 de vostre Royale grandeur ren-
 dre plus fleurissante que iamais,
 la fille des Roys , & la mere des
 Lettres l'Vniuersité de Paris. C'est
 SIRE, ce dont elle supplie tres-
 humblement V. M. & de luy fai-
 re parestre d'autant plus volon-
 tiers les effects de vostre bonté.

que l'on l'a croit estre exposée à vn plus grand peril; A sçauoir, en ce temps où les Iesuites de rechef s'efforcent de sy establir, lesquels ayant desia opprimé le corps entier de la robbe seculiere en tous les endroits de vostre Royaume; ne reste plus que le cœur seul qui vit & respire encores en vostre Vniuersité de Paris, en laquelle estans yne fois establis, ils s'en rendront aussi tost maistres comme ils ont faict en tous les autres lieux où ils sont entréz; & par ainsi ne restant plus aucune compagnie en vostre Royaume qui enseigne la jeunesse, autre que Iesuite; Voylà cette grande & celebre Vniuersité suffoquée & abbatuë: Voylà ce corps venerable qui a rendu tant de bons seruices à l'Eglise & à l'Estat; qui aourny les

peuples de Pasteurs, les Eueschez
 de Prelats, les Cours souueraines
 de Cōseillers & Presidens, le Cōseil
 des Roys de Chanceliers, de garde
 des Sceaux, de Maistres des Re-
 questes, de Conseillers & Secre-
 taires d'Estat; qui a maintenu l'in-
 nocence del'Eglise, la pureté des
 langues, l'integrite des bonnes
 lettres, & les franchises & libertéz
 de la France, contre tous ceux qui
 les ont voulu opprimer; Bref, qui
 a tousiours esté comme vne forte
 bride pour arrester la violence de
 toute doctrine nouuelle & estran-
 gere, preiudiciable à l'Eglise, & à
 l'Estat: Voylà disie cette grande
 Vniuersité ruinée. Ce qui ne peut
 arriuer sans vn preiudice notable
 de l'vn & de l'autre, C'est à dire, de
 l'Eglise & de vostre Estat. Ne per-
 mettez donc, ô GRAND ROY,

que ce beau & riche fleuron de la
 Couronne de France se fane & se
 ternisse de vostre temps. Ne per-
 mettez qu'il soit dict que cette
 grâde & celebre Vniuersité con-
 feruee depuis neuf cents ans suc-
 cessiuement par tous les Roys
 vos deuanciers, comme vne pie-
 ce du tout necessaire & essentiel-
 le à l'Eglise & à l'Estat soit perie
 sous le regne de Louys le Iuste,
 Louys le Sage, Louys le De-
 bonnaire, Louys treiziesme, le
 Roy le plus puissant, & plus grand
 du monde, Louys treiziesme, qui
 par sa valeur, & par sa sagesse du
 tout miraculeuse a redonné la vie
 à tous les autres membres de son
 Estat. C'est SIRE, la priere tres-
 hūble quelle faiēt ce jourd'huy à
 V.M. Et receuant ce Cierge de sa
 main, receuoir tout ensemble les

arres de sa fidelité , le gage de
 son obeissance , & vne protesta-
 tion tres-entiere de jurer plustost
 sa propre ruine que de māquer au
 vœu qu'elle luy a faict d'estre pour
 iamais sa tres-affectionnee, tres-
 subiecte, & tres-humble seruan-
 te.

*Le Roy respondit , d'un visage
 plain d'allegresse , & d'accueil, le
 vous remercie de vostre bonne vo-
 lonté, tenez vous assurez de la mien-
 ne, & que j'ay agreable vostre requie-
 ste.*

A LA



A LA ROYNE.

ADAME,



Puisque le Ciel vous
a enrichie de toutes les
vertus qui peuuent accompagner
vne grande Princesse, & la pre-
miere Royne de l'Vniuers, il est
raisonnable que nous luy facions
present du flambeau de l'Vniuer-
sité, qui puisse par sa lumiere, & les
faire cognoistre en tous les lieux
du monde, & seurement les con-
duire par la suite infinie des siecles
à venir. C'est ce qu'elle fait ce iour
d'huy, M A D A M E, presentant ce
cierge à vostre Majesté, comme à

celle à qui seule elle doit apres son
Soleil , ce qu'elle a de lumiere.
Receuez-le, s'il vous plaist de sa
main, & animant l'un & l'autre des
rayons de vostre royale grandeur:
Faiçtes que comme l'un, par la
condition de son estre, ne peut
luire qu'un temps. Ainsi l'autre
né à l'immortalité, puisse luire
& esclairer eternellement, pour
le bien de vostre service & l'ac-
croissement de voz felicitez.



A MONSIEVR.



'EST à vous (MONSIEVR) que s'adresse l'Vniuersité de Paris, comme à l'Astre le plus brillant de la France, & qui de plus pres auoisine le Soleil. C'est de vous qu'elle reçoit sa lumière pendant l'obscurité de ses ennuis; & lors que par la foiblesse de ses yeux elle n'ose enuisager son Soleil en plain midy (C'EST PAR VOUS Ô SALVTAIRE, ET FAVORABLE CASTOR) qu'elle espere participer à l'immortalité, comme vous la receuez plainement de vostre frere POLLUX la source de

vostre lumiere & de la nostre.
 Elle espere & ne craint point que
 son esperance soit vaine puisque
 desia toute la France ayant reco-
 gneu des effects si notables de vo-
 stre bonté, des rayons si esclatants
 de vostre sagesse, & des effects si
 admirables de vostre courage, ne
 se promet moins de vous à l'adue-
 nir, que la possession d'un eternal
 bon-heur. N'oubliez ô grand
 Prince, entre les Ordres signalez
 de la France ceste grande & ce-
 lebre Vniuersité, comme fils &
 frere des plus grands Rois du
 monde, Honorez d'un fauorable
 aspect ce beau & riche fleuron de
 la Couronne, ceste ancienne &
 premiere fille des Roys: & rece-
 uant ce cierge de sa main, faites-
 luy paroistre en la fauorifant l'ex-

cellence de vostre lumiere, comme elle desire vous tesmoigner, en vous seruant les ardeurs de son affection.

PERMISSION.

IL est permis à ISAAC MESNIER Marchand Libraire en ceste ville de Paris, de faire Imprimer les Harangues de Monsieur le Recteur de l'Vniuersité de Paris, faicte à sa Majesté, à la Royne & à Monsieur le frere du Roy: & sont faictes deffenses à tous Libraires, Imprimeurs Contreporteurs de ceste-dite ville de Paris de les Imprimer, sans le consentement dudit Mesnier, à peine de cent liures d'amende, & confiscation des

exemplaires qui se trouueront imprimées pendant le temps & terme de deux ans. Faict à Paris le septiesme Feurier 1618.

H. DE MESME.

DE PARIS.

